



KOMUNIKADO PA PRENSA

Fecha
24 MEI 2016

Kolaboradó di Maneho
Corinne Leysner

Email
corinne.leysner@gobiernu.cw

MINISTER CAMELIA-RÖMER TA LAGA DRECHA KAMINDA POPO ROJER NA BANDABOU

Willemstad- Riba dia 23 di mei Minister di VVRP, Suzy Camelia-Römer, via di Obra Públiko, a inisiá e proyekto di infrastruktura na Kaminda Próspero 'Popo' Rojer. Ta trata di renobashon di e kaminda aki na Bandabou, ku ta kore entre e krusada di Sta.Cruz i Barber. E kaminda ta den mal estado, ku burako i asfalt ku a sak i ta kibrá. Ta tuma un aña i seis luna pa drecha e kaminda. Komo parti di infrastruktura pa stimulá un trafiko mas sigur, ta bini un rotònde riba e kaminda na altura di Pos di Gobièrnu.

Kaminda Popo Rojer ta un di e kamindanan ku tin trabou di mantenshon atrasá, ku ta paresé den e lista di planifikashon di 'inhaalslag 2015'. Pa e kamindanan aki, meskos ku esnan di 'inhaalslag 2014', no tabatin fondo disponibel. Minister Suzy Camelia-Römer a instalá un Komishon di Infrastruktura pa evaluá e proyektonan i pa despues, ku koperashon di Minister Jardim di Finansa, pone e fondonan nesesario disponibel. Resultado bunita ta, ku awor por drecha diferente kaya di Kòrsou, inkluso Kaminda Popo Rojer.

Kontratista pa e proyekto aki ta Aliansa Civil & Roadworks. Durante di ehekushon di e proyekto, outomobilistanan por hasi uso di rutan alternativo ku ta keda indiká via di bòrchinan. E kontratista ta sòru pa tur habitante di e kaminda por sali i yega nan kas. No por evitá molèster di stòf i zonido di mashin durante di e trabounan. Ta pidi habitantenan i demas usarionan pa tene kompreshon pa esaki i pa koperá pa e trabounan por tuma lugá.